



詒晉齋集



詒晉齋集卷五

辛亥

長孫奕綬六歲以列入書房余適年四十

歲月信成馳生年四十時抱孫來就傅撫首爲吟詩迤衍詩書澤侵尋鬢髮絲猶賢范馨硯待老合傳伊

易州道中作

鞭梢拂地出春明何止人間萬里行馬上春山南北夢耳邊寒水古今聲草回原燒青纔動柳受邊風綠未成正是清明兼上已去年零雨最關情

詠紙鳶

翦紙爲鳶畫作紛春明士女意殷勤鳥邊道路千尋直天末陰晴兩翼分仙夢何須寄鸞鶴詩懷還與入風雲不因望遠登江閣也自多情送夕曛

詠雁字

玉關柳色不能新中有飛鴻判斷春已是愁邊無字字更
堪望裏有人人還期阻絕緘書帛去影飄零妬畫身旅枕
孤鳴翻未厭生憎清怨寫來真

青門題王叔明聽雨樓圖

吾家有小樓春望暮雲稠倦鳥纔喧樹疎簾自下鉤夢回
殘雨滴曉起宿烟收擬把橫看展西山在外頭南北夢耳
題王文成公畫竹

遺墨曾傳君子亭又伸素紙寫青青誰知玉帶緋衣夢不
是文星是將星辛酉十月

夏至禁中齋居

忽漫清和過薦櫻御溝柳翠拂層城風來簾箔參差動日

上觚稜次第明天上看星臨北至人間有暑隔西清煌煌
芝朶傳佳頌盡向宣温高處成

紀書

三行快雪晉羲之神化由來不可知歎絕王孫題帖尾平
生精力到烏絲庚戌之冬上以八旬用細字題快雪
帖冊端宣示尚書房諸臣故得瞻閱帖後

有松

平復真書北宋傳元常以後右軍前

慈寧宮殿春秋閱拜手擎歸丁酉年

賜臣承理得晉陸

丁酉夏 孝聖憲皇后遺

正本蘭亭貞觀賜黃綾兩見御書題孝經勅下諸臣補樂
石鐫成欵識齊

孤臣潭府鬚眉白飛鳥依人感聖明尙有碎金書二百禾

中詩叟漫空籟
自敘長篇草法神
令人氣懾爲逢真
兩行苦筍還奇絕
未許揚風繼後塵
書譜無從見真本
千文疑是米南宮
自觀書譜河東刻
轉覺千文筆法工
色絲小楷價千金
無復嘉興舊墨林
剩有題名兩牋在
山人三跋共傳今

唐鈞徂暑硬黃牋
得骨猶賢祖石鐫
復古殿中題字後
漢庭老吏八分傳
宋朝樞帖紛紛出
若繼昇元是國初
我見千文師智永
侍書肯道不知書
伯夷道服入貞珉
墨彩曾瞻兩札真
憶昔名園荆樹下
低

個不去想斯人
風流拜石接籠鷺
蜀素斜紋遣鳳梭
天地故應神物在
兩番雷電得撈呵
宋法都能暢氣機
南宮心細筆通微
府公虹縣猶閒可
多景樓詩古亦稀
寶侍御詩能逼真
松醪春色墨如新
但能通意無多論
守駿如公信曉人
外域聲華早並驅
宛丘學舍一寒儒
打水帖子流傳在
可但詩文繼大蘇
嶺海間關須鬢白
老人病起尙中書
伏波紙墨留光燄
了不隨人儘自如
龍章鳳質冠羣才
勅取河南禊帖來
家法教臨三百本
中

興無將寫雲臺
賜出王褒頌幾通
紹興乾道兩朝中
雲藍矮紙烏絲界
古法猶能到九宮
瘦本擎從水窟來
自成我法不重儻
將書索要人珍重
看取縱橫異代才
賜研淋漓拜道君
家風小學有敷文
漫嗟當路無交舊
肯乞閑人濛瀨雲
獨攜遺墨叩荒祠
忠裔淒涼拜後隨
江上誓師餘老淚
可憐一起謝公疑
閒閒草法冠金源
赤壁遊餘舊闕翻
渴驥直堪空冀北
如驂誰靳大都元
猶有唐風困學民
時名早謝玉堂人
卽看茆屋秋風卷
膽

字三呼勇絕倫
南宮逆筆吳興順
結體原隨筆勢工
用筆何曾千古易
不從同處正同同
漁父謫龍康里筆
取妍太覺嗜偏鋒
何如董復千文卷
黃素猶傳鐵限蹤
南宮逆筆吳興順
卓爾華亭兩法參
勝國名家費覲縷
一燈直到法華盦

題宋人學士登瀛圖

中令何慚漬筆從
盤雕翠錦接仙蹤
雪飛乍斫蓬池鱸
雲近羣扶晉水龍
自有圖書並河洛
還將著作付喬松
集賢後日更題署
燕許誰云盛際逢
題宋人李陵蘇武泣別圖

河梁攜手恨終天相送晨風發發前淚落只教成集霰馬
遲應不爲遺鞭將軍事已旄頭箭女子歸餘鬢尾絃何似
茂陵松柏下猶承百萬賜交錢

題宋人秋林獵騎圖

折膠時節沈寥天結束輕行小隊先隔嶺相呼紅葉合出
林稍轉皂旗偏蹄間雪盡新羈馬耳後風生劇少年最是
平生射雕手赤翎斜插塞雲邊

薊州道上雪作

滯陰塞長空寒態凜晨望雲生鑿閭厚風過渤海壯崇朝
甚鬱勃萬里大推宕倏忽集霰先瑣屑纖囊尙行人戒冠
被朔威失繒纒侵尋勢潛促揮霍意旋王紛來睫苦交急
打面怯向天低逼回合地大盡酣暢愈挾元氣雄坐奪孤

月亮方瞳沒橫縱圓甃脫底當側坎阻斜霏盤坳積層上
林綴愁貼危石擁恃倚仗壓檐如摧蘆擠沙若歸漲凹凸
虛易隨嵌空滿難量凌兢遇老農襍穢得淒況及霑快潤
澤雖凍不惆悵大谷何寥廓中野一昭曠霧靈霽未開田
盤色猶釀征鳥矯高旻役車指千嶂

題槎河山莊圖

山莊爲石庵先生文正公讀書處以下王子

大風聲實被舊宅畫圖垂食粟廳無馬爲田世有詩春秋
睠嘉樹本末具清時髣髴儀形在寥寥動所思

尋詩

老梅兩本情親致聊賴尋詩正到君硯北餘情收小雪江
南往事杳行雲曉鶯坐樹調新語春水漫冰試舊紋我亦
興隨花信發髣髴霜休遣水邊聞

柏林寺僧以董文敏公臨蘭亭屏風來以龕佛易之
屏風真跡闕禪房道我知書乞我藏仙骨直應追鳳閣蕭
齋準擬署鴻堂漫嘲食肉狂懷素合作同龕老遂良慚愧
金山舊公案春冰霜葉且思量

重題聽鐘山房圖

乾隆壬午東野先生有聽鐘山房
圖時余年十一會題詩云宵聲警
無寐禪定入聞思空外鯨音大閑中蝶夢遲蕭齋
燈隱幽徑樹離離為問羊求侶能知此意誰此
稿久失之矣壬子之春先生以蒙
內廷乃攜圖見示且囑重題寓三
十年來存歿

白首門雖設青綾筆復濡眼前新輩行卷裏老師儒宮硯
春仍洗山舟夜幾趨樓高今想像荆暮昔紛敷歲月驚孫
子文章愧道塗剩教醒夢後重對聽鐘圖
宿近醫局聞碾藥聲

上方仙子自斑毛一七元霜玉腕勞半夜雷聲知碾藥人
間海水拍天高

題揮石先生四季墨花圖

江上春風又八年老人眠食可依然逢辰能否登山屐憶
昔過從出郭船陽里病忘心自惜子猷乘興事徒傳墨華
亦見風流劇露頂揮毫在眼前

老梅

兀兀老梅樹纖纖生葉新花乾二月暮根在百年春冰澗
晶熒遇山窗慘澹皺歲華空谷宴旦暮有斯人

題熱河寓舍松

濤聲雲影欲千尋擢秀中庭歲月深願結靈芝號飛節長
承偃蓋小松心

辨香

辨香陳正字老不昧師傳晚歲溪山夢平生內外篇風流
嗟往矣四十視茫然朗玉孤桐處書囊似磬懸

品焚月山窗

月午人無睡河秋夜有聲草蟲甚微細關塞最分明朔雁

千峯度寒衣雙杵鳴旌旗多綵色萬里國西營時有廓爾
喀之師

詔發征西將籌邊有盛名三軍枕戈取萬里報書成危棧

寒仍雨殊方漏復晴天涯懸露布高照月華明

嘗新紆旅況食美念幽居關塞春糧外酸醎負俗餘一枚

驚是瓠百尾木為魚鄉味回清夢黃花五畝蔬

士六餉乾肉

士六餉乾肉

顏觸餐雖晚陳蕃設可無齒牙猶自礪薑桂未須濡方法
憑寒膾儀文愧末胸行厨市塵遠聊以助傾壺

餉鹿肉

上林射工脯滎澤獸人鮮登俎非佳設鳴弓憶少年銅環
推點畫紫纈餌神仙定得蘇州筆深為野性憐

和東野先生燕窩詩

椰子驗小物九州瀛海內伯益不能名陸產不能備但聞

萊黃鮐惟錯紀東最食經太官著羅列脯修置彈丸歌逐

肉唐園夢盛菜燕窩水羞珍鮮白淨微類小如蒲勺酌輕

若芥舟載月為仰瓦形紙擘側理界影沙蕩島濱夾溲旋

石瀨燕燕爾毋啼覆露雄雌代啁啾猶有頃恩勤甚矣憊

錫名副游波泛宅非阻泥靈同鷗有忌老避日所晒是非

蹄與筌兔魚所以在初聞官意而復道妻精衛陽喬倏爲
魴人化理冥會黃雀謂無爭螭螭矜莫害誰從作爾室瘖
口自連綴蠶螺失交臂勿謂昆蟲昧不望女牀棲况附阿
閣颺長綃挂瀕洞飛雲凌翼帶錫貢來紛綸匪頒實嘉賴
操贏三倍爲堅肥艷良僧高筵無此羞上客箸可廢梁肉
色悽涼藿鹽坐慷慨徹侯鯖誰多郎官繪何愛徇華命冲
漠繁肴失儔配五味致六和苦疎奈甘壞官辦輕咄嗟食
貧曠沾逮甚設詎芬成詐賈乃絮敗賦物觚多奇識小義
慚諄四溟垂大觀吾游但南戒

和東墅先生草荔支

王逸賦所遺嵇含狀失記劉崇圖輟贈袁郊曲誰識琲璠
廣插釵躑躅倒加蒂封腴蠟房肥移馥蜂蹠細紅塵遠騎
非野果故宫類釋名側生同充飢餒草異瀉盤始欲愁隨
刀詎改味與化陳家紫繡嶺唐宮翠神農殊不知援筆補
廣志採摘莫過時霜落楓林醉

和東墅先生佛手柑

后皇有嘉樹遷地託諧笑佛手出八閩獅頭慙六詔香氣
何自來蓉旂向風掉露漿毓黃包地肺結丹竅五輪示阿
難七葉降大照乃得王升之摘文歎恒操諒懷壹志美母
貽好甘誚天龍拈花旨憇予昧西教物微念時新聞關跋
嶺嶠何意逃禪翁詩械破淨妙

秋夜風雨

吟詩只合繞簷楹階下蒼苔礙獨行萬里長風沈塞雁一
天苦雨帶山城花寒自分開無態葉濕猶能落有聲滿地

流波關驛遠盧龍雲氣直須輕

秋興

心賞意行無所違且攜竹杖出巖扉林陰鳥樂邀深駐草
遠人閒得緩歸船進灣洄移日影步隨高下弄烟霏雨淋
山果蕭蕭落不待繁霜已漸稀
尋探遠勝破蕭閒詩祝蒼華亦可刪窈窕崎嶇工野步光
陰宿昔入秋顏澄波靜藉如烟草疎雨遙懸傍晚山茗飲
甘瓜隨所有寒鴉飛盡不知還
迢迢大漠合秋空野曠沙寒落塞鴻雲濕東南來海上樓
高西北在山中吹漂舊剝檀欒碧霑洗荒榛瑣細紅貪看
銀河猶不寐微霜應在北窗桐

山亭避雨

詰曲山行雨色深非關野步負登臨孤亭古樹葉微脫衆
壑邊秋地易陰隔岸影寒搖水草投烟聲濕倦山禽不知
油蓋從誰借坐久漸忘人世心

九日

衆綠換時節始青爲沈寥黃霜明委珮松吹起邊簫望眼
豪芒盡逢辰契托饒謝瞻好詩句共指赤城標

小雪節小雪

翠管侵迎臍瓊蕤試報春遭回霏雪小擬度望雲頻改歲
須豐稔拯饑倚

聖仁步檐看淡日已糝玉階塵

二月初六日侍

經筵禮畢

社稷壇謝雨恭紀 以下癸丑

聖主春秋過八旬猶親經籍進儒臣隆儀建國遵依舊鴻業如天潤色新左閣重闈紅闕日右壇芳草綠生春懸知一雨興千耦慰藉頻年望歲民

喜雨

震雷殷殷動天鼓雲師相趨不遑處燿然飛光驚林麓定是失笑投壺女田家望望春已深薄暮低頭弄乾土當頭點滴喜復疑漸密旋傾便成雨太行北戒春雨稀常年沙飛龜折鹵絕口王睢不復聲僵眠石燕那肯舞雪少蝗蝻生翅股劉猛將軍寂無怒官司絡繹百姓忙幸不橫空如項羽小麥黧澹黃隨枯高楊側塞青不吐風爲雲仇日復日池水見泥井水苦勸農空復走常員椿管深蒙哺三輔

今年雨足田歌起吹笛騎牛是禾譜夢中一飽幾欲真稻米流脂菜流乳小窗燈搖耿獨坐繁響幽聲颯如許泰山膚寸遠遙遙我竹我桐皆媚媼人衣香遍滿園花點注寵光天乞汝

夜坐

坐銷燈燼夜猶長人靜庭虛枕簟涼錯亂更鐘山寺野稀疎吠犬月村荒倚厓枯樹幾何日過眼飛花三萬場篋裏古書憑自檢懺除愛業揚蕭梁

泛舟作

青天好風氣煙水延清遊沿溪步履盡我僕能操舟問我何所適宛此東西流將舟漾蕩去前路依白鷗桃花已零落綠葉夾岸周蝴蝶雖寥寥好鳥鳴相酬芳菲忽復歇日

月何其道乘風弄潺湲冥想凌十洲舍舟入前林意得孤
無儔春蕪碧淺淺一雨參差稠向來獨往徑綠縟不可求
夕陽在衣袂使我心夷猶

中庭有佳月

中庭有佳月裊裊雲漢邊上有高高天下有關與山關山
何遶遶舉首人共看清光萬里同況復咫尺間咫尺不相
近邈若荆與蠻白露濕衆草鳴蟲語芄蘭自非素心人安
知貴流年流年良足貴中心結長言

天山居

山居涉九夏星紀今一周亦知堂堂者雖美不得留小松
成喬柯大壑無藏舟憶昔行步工顏色桃花浮跳踉無不
爲長者不我尤行年過四十華髮鏡中羞青山萬古色白

水日夕流明月出東嶺清華行暮秋

雨

南山雷甸甸北海雲洶湧飛流決天漏驚瀧在瓦隴下簾
已霑灑移榻頗倥傯何況遠役人坐想猿鳥動山雨韋韞
寒江雨帆席重幽居念往遊懷抱足織冗返景激簷隙階
草綠茸茸可憐幕下燕細語有餘恐

松風石泉

泠泠松間風瀲瀲石上泉此聲殊不惡亦足起晝眠雷霄
斷孤桐緼以朱絲絃寫聲有妙理聽者不謂然

石菴先生有題畫馬四絕句東墅先生依韻次之故

余有第三首

塵中往往出羣材但肯黃金買駿媒萬馬不嘶秋草靜麒

麟地上獨行來

雪積冰層萬里長
貢來雲錦九機張
賦成天馬無人寫
除問襄陽老阿章

亦有微官似馬曹
錦韉輸與五陵豪
蹇驢有分尋梅去
一樹珠蕤倚漢臯

早謝曹韓勝負籌
無端兀傲掃驂騮
畫成穩著青絲絡
多恐風雲慘未收

讀勾山先生紫竹山房詩集有粥鼓一首序中謂余

嘗以戒僧目先生故屬賦此題云蓋其時余年十

九也先生以葬親乞假還浙事畢復官不數月而

卒於京師命也當年侍坐恃獎愛而進謔辭光景

如昨孰意廿四年後得斯語於遺文耶乃用原韻

綴之集末

間關暮景亦何因
負米深情到累茵
江水不歸楓樹夢
夜舟終謝木蘭身

山藏事業千篇賦
蓬翳風流萬古塵
誰謂黃鸝啼別後
春風湖上失詩人

神方縱檢駐無因
座對桓榮舊賜茵
騎省剛成除夜詠
中書真有坐龕身

蒼華漸漸稀前輩
宏獎殷殷負後塵
倘是知雲問遺集
不教埋恨振奇人

奕

清簟疎簾翠色新
萬山一向隔紅塵
幽懷未廢行棋巧
舊局偏憐落子真

暮雀音聲拚迫促
雨燈時節最情親
湘僧海客從來說
塵世稀逢此輩人

奕

奕

奕

鶴

山空露華重鶴冷月明多野水縱橫合荒林獨自過三山
無問訊二頃亦宜羅意想閑雲在寥天若爾何

望松歌

連岡疊巘何嵯嶢萬松拂鬱翻雲濤中有一松特矯出高
張華蓋撐秋霄華蓋層層天沈寥激景太半明纖毫如開
玉女窗引手攀招搖又如懸黎之履照灼璇宮朝絳節不
動剛風鬢寶鬢瓔珞交煜燐離婁目奪珠幢標帝車龍角
方魁曲杓軒軒孔鬣翩翩鳳翹蓬萊海水若不淺日桑月
桂枝葉行相轆問年乃在循蜚疏仡泰古始顛秦躡漢草
木兒孫曹其下當有倥傯之輩羨門之豪拍肩把袂羣遊
邀寒麟臞鹿蒼梧醪欲往從之山甚高側身西望心煩勞
九日贈茅耕亭裴子光汪雲壑三先生

地託逢辰賞厨虛薄設工雖無肴與酒幸不雨兼風霜樹
矜深蔭秋窗拓遠空寒潭陽卉句情味向詩同

題漢西嶽華山碑

漢家西嶽華山碑世間兩本此第一商丘巡撫之所藏秀
水檢討有題筆吁嗟魏公四字印亦欲遐傳守毋失誰能
老饑抱文字蠶紙猶向人間出自秦登山誦畧與兩京文
章富石墨嶧碑雖焚棗木樞岱碑云亡內司刻太華極天
應井鬼少昊所治秦所國徒聞遺璧鎬池君不見臣斯與
臣德茫茫萬古此石存岌岌溟翻老沙泐搨本絕少傳已
難負鼎又遭媚子踏達官當時勢絕倫古物一夕錢不直
我曾再拜金天墓大碣荒莎風雨蝕此碑忽復曳長繩能
不興懷同歎息文云漢興紹前制虞典周官稽警蹕孝武

之三
之世廟貌隆特起尊嚴闕宮血門日望仙宮集靈志荒意
惑長生術欲就鶉首相酌斟遂呼天神來博塞國祚中闕
祀事衰太守能賢重修職朝端昏棄曠明禋稍稍規模率
錢力延熹至今浩千年十字之外無缺佚重如元雲垂下
天輕若風斤得其質素娥一片中秋中泰折層成北郊北
黃河之水星宿來蛟擲龍騰相逼仄商盤魯壺在崇坳瓊
草金芝上仙植如華萬仞絕攀援人間紙筆書不得法書
迴可日月垂其人豈必中郎實察書市石無了期又於徐
趙爲蚶翼小儒舌舉恥闕疑大抵紛紛決以臆我生兩手
懸鈍椎握管僵如著在劫旁通二篆貫八分少年鹵莽謂
可必闕里宮牆兩拜瞻強復低何史與乙忽然季子見韶
箭何止歐陽坐旬日秀水修撰詩七言商丘侍讀金十鑑

風流坐映康熙朝不愧細書在石室

題唐子畏溪漁圖

朝燃楚竹出西灣笳笳提烟惆悵還此中不足療飢餓寫
書寄與文衡山

題董文敏品茶圖

寥寥素秋旻曖曖梧竹影閑處罷塵勞幽人事新茗坐深
水火和意得雲露永此事若近名包裹艷京挺誰將七椀
風坐換一眼井宗伯卷懷入烟江刺歸艇寫此尺幅圖澹
對有餘省

世系如磨玉輝鏡宋熾時

...

...

...

...

...

...

...

...

...

...

